



TILIOQ

ILINNIARTITSINERMI ATORTUSSAT

# ROSAP AQQUALUA INNARLUUTEQARPOQ



– KILLIFFIK: NUKARLIIT AKULLILLU



## KOLOFON

**Saqqummersitsisoq:** Tilioq 2021

**Allaaserinnittoq aaqjissuisorlu:** Anna Ida Hallgaard Jonsson

**Nutserisoq:** Tukummeq Møller-Steffens

**Grafik-imik ilioraasoq:** Anne Meinert

**Grafisk Design:** irisager.gl

Louise Pindstrup Andersen Qujanaq

# IMARISAA

## SIULEQUTSIINEQ

- 4 ilinniartitsinermi atortussat pillugit
- 5 Iisimasassat

## ILINNIARTITSINERMI ATORTUSSAT

- 6 Killiffik: Nukarliit akulliillu  
Suliassat: Atuffassineq oqaloqatigiinnerlu  
Sammisaq: Illit uangalu assigiinngikkaluarluta  
assigiissuteqarpugut
- 8 Killiffik: Nukarliit  
Suliassat: Nipituumik atuarnaq titartaanerlu  
Sammisaq: Immitsinnut ajunngitsumik pisassaagut  
(ajornartorsiutinik aaqqiineq)
- 9 Killiffik: Akulliit  
Suliassaq: Atuffassineq isumasioqatigiinnerlu  
Sammisaq: Innarluuteqarneq qanoq paasisariaqarpa?
- 12 Killiffik: Akulliit  
Suliassaq: Atuffassineq pisuusaartitsinerlu  
Sammisaq: Immitsinnut ajunngitsumik pisassaagut  
(ajornartorsiummik aaqqiiniarneq)

# Ilinniartitsinermi atortussat pillugit

## Naatsumik allaatiginerat

Ilinniartitsinerit nukarlernik akullernillu inuttut ineriartornermi ilinniagassanut atapput. Atuartut ilisimalissavaat innarluuteqarneq qanoq paasisariaqarnersoq inunnillu innarluutilinnik qanoq pinnittoqartarnersoq. Ilinniartitsinermi atortussani meeqqanut atuakkiaq ilinniartitsisup atuffassissutigisassaa aallaavigneqarpoq, taannattaarlu aallaavigalugu ilinniartitsisoq assigiinngitsunik suliassaqartitsinnaavoq. Taamaattumik ilinniartitsinermi atortussat atorummallugit atuagaq ataasiinnaq atorneqartassaaq. Suliassanut aallarniutigalugu atuartut inuit assigiinngitsorpasuumenat pillugu oqaloqatigineqassapput. Aamma ilinniartitsinermi atortut iluaqutigalugit assigiinngissutit ataqqinnilluni akaarinnillunilu oqaloqatigiissutigineqarsinnaapput. Atuagaq Kalaallit Nunaanni innuttaasunik inunnik innarluutilinnik paquminartutut isiginikkunnaarsitsiniaanermut tusaamanerlugaa junnaarsitsiniaanermullu tunngatillugu inuiaqatigiinni ineriartortitsinissamut tapersiissutissatut naatsorsuussaavoq.

## Siunertaq

Atuartut innarluuteqarneq pillugu ilisimasaqarnerulissapput. Taamaalillutik inuiaqatigiinni assigiinngisitaartoqarneranik aammattaaq inunnik tamanik ataqqinninnissap ataqqinnittumillu pinnittarnissap pingaaruteqassusianik paasinnillu arnerussapput. Atuartut ilinniartitsineq aqutigalugu ataqqinnittumik periaaserissumillu inunnik innarluutilinnik oqaloqateqarneq taakkulu pillugit oqalunneq ilinniassavaat.

## Periaaseq

Ilinniartitsissutissani pingaartinneqarpoq misileraanikkut, nammeneq peqataanikkut, oqaloqatigiinnikkut sunnerfigeqatigiinnikkullu ilinniarnissaq. Atuartut inunnik imminnit allaanerusunik oqaloqateqarneq sungiusassavaat oqaloqatigiinnikkut, pisuusaartitsinikkut titartaanikkullu. Ilinniartitsinermi atortussat atuartut paaseqatigiissinnaassusiannut inunnillu allanik pinneriaatsimik akisussaaseqarsinnaassusiannut sungiusaataassapput. Sungiusarnerit inunnut allanut attaveqallaqqinnerulissutaassapput akaarinninnerulissutaassallutillu, aammattaaq misigissutsinik eqqartuillaqqinnerulissutaassapput tusarnaallaqqinnerulissutaassallutillu.

Suliassat ukuussapput:

- Isumasioqatigiinnerit
- Titartaaneq
- Pisuusaartitsinerit
- Oqaloqatigiinnerit

## Atuagaq pillugu

Rosa aqqaneq-marlunnik ukioqarpoq Nunattalu avannaani najugaqarluni. Rosap anaanani, ataatanani aqqalus-sanilu Ivik arfineq-pingasunik ukiulik najugaqatigai. Iviq niuata illua ajoquteqarpoq. Tassa innarluuteqarpoq orlusaqattaartarlunilu. Ullut ilaanni Rosap kammaasa Ivik orlusoq illaatigaat, Rosalu kanngusulerpoq.

Meeqqanut atuakkiaq 'Rosap aqqalua innarluuteqarpoq' innarluuteqarnermik akaarinninnermillu eqqartuinnermut aallarniutissatut naatsorsuussaavoq. Atuakkami sammineqartoq tassaavoq kikkut tamarmik sumilluunniit innarluuteqaraluaangamik inuppalaarfigineqarnissamik kisaateqartarnerat; tassa tamatta asaneqarusuppugut ki-naassuserpullu pillugu akuerineqarusulluta. Inersimasoq (atuakkami ilinniartitsisusooq) qinngasaarinnermik unitsinissamut akisussaasuvoq, taassumalu periaasia ataatsimoortutut misiginerutitsinissamut inuullu naligineqartutut naleqquttumillu pineqarnissamut pisinnaatitaaffeqarneranik malunnartitsinissamut aalajangiisuvoq.

## Sullinniakkat

Meeqqat 2., 3., 4. klassemi atuartut. (Aamma ilinniartitsisutit 1. klassenut 5. klassenullu atorneqarsinnaapput).

## SIVISUSSUSISSAQ

Nal. ak. atuartitsiviusut 1-2, ataaseq minutsinik 45-nik sivilissusilik

Ilinniartitsissutissani suliassat siunnersuutaapput. Apequtit suliassallu iserfigilluaraanni sivilissusinerussaapput. Aamma suliassat qanoq piffissaqartiginermut naleqqusarneqarsinnaapput. Ilaat naleqqussorinngisat ilanngutinngiinnarsinnaapput, atuagarluunniit piffissaqarfiginerujumagaanni ilinniartitsissutissani suliassat katiterneqarsinnaapput.

**MALUGIUK.** Atuagaqatigiinni innarluutilinnik atuartoqarpat taakku piareersarneqarsinnaapput oqaluttuullugit assigiinngissutit pinnagit assigiinngissutit tamattalu immitsinnut ajunngitsumik pisarnissarput ilinniartitsinermi sammineqarnerussasut.

### Paasisaqarnerugit:

<https://tilioq.gl/kl/>  
<https://www.niik.gl/kl/>

Danskit nittartagaat:

<https://socialstyrelsen.dk/handicap>  
<https://handicap.dk/>

# Ilisimasassat

Matumani innarluutit pillugit Kalaallillu Nunaanni innarluuteqarneq pillugu atuarsinnaavutit. Ataatingaani linkeqarpoq innarluuteqarneq pillugu paasisaqarneruffigisinaasannik.

## Innarluuteqarnerup isumasiornera:

”Innarluuteqarneq tassaavoq sivisuumik timikkut, tarnikkut, aalasinaassutsikkut silassorissutsikkulluunniit piginnaanikillineq allat naligalugit peqataanissamik akornusiumik.”

Innarluutit takussaasuusarlutillu takussaangitsuusarput, uanilu innarluutit ilisimaneqarnerpaat ilaat allassimapput.

## Takussaasut

- Nukillaarneq (cerebral parese) • Avatit ilaannik amigaa-teqarneq • Downs syndrom (nikingasunik kromosomeqarneq) • Nikingasunik kromoseqarnermit innarluutit allat
- Nukeerukkiartorneq • Allisiitsunngoriartorneq • Siggumi/qilaami qupineqarneq • Inunnguutsimik iloqiaaneq (assersuutigalugu talikkut) • Ineriartornikkut innarluuteqarneq (ineriartornikkut amigarneq) • Isiginiarnermi innarluuteqarneq

## Takussaangitsut

- Attaveqarsinnaassutsikkut akornuteqarneq • ADHD • Tourettes syndrom • Annilaanganeq/isumatsassimangaarneq • Ilikkarniarnikkut ajornartorsiuteqarneq • Tarnikkut innarluuteqarneq • Tusilarneq • Kingusissuuneq (assersuutigalugu inorluni inunngorsimaneq) • OCD (erloqisitsisunik eqqarsaateqarneq) • Dysleksi (naqinnernik ilisarsisinnaannginneq) • Oqalunniarnikkut ajornartorsiuteqarneq

Anigorsinnaanngisanik nappaateqarneq innarluuteqarlernermik kinguneqarsinnaasut: • Børnegigt (anigorsinnaanngisamik naggussatigit ninngattooqqaneq) • Noqartarneq • Sklerose (sianiutit qajannarsiartornerat)

## Kalaallit Nunaanni innarluuteqarneq

Inuit innarluutillit Kalaallit Nunaanni najugallit qasserpiaanersut innuttaasulluunniit sunik innarluuteqarnerisut ilisimaneqanngilaq. Eqqoriarneqarsimavorli nunarsuarmi innuttaasut 15%-ii innarluuteqartut, maanilu Nunatsinni kisitsit allaanerusorinissaannut pissutissaqanngilagut. Tassa imaappoq, Sisimiuni 5.500-nik innuttaasulimmi innuttaasut 800-nit amerlanerusut innarluuteqarput. Nuuk assersuutigissagaanni inuit 2700-t missaanniittut innarluuteqassagaluarput, nunaqarfimmilu Kangerlusuurtut atsigisumi inuit innarluutillit 75-it missaanniissagaluarput.

## Innarluuteqarnerup malittai

Tilioq innarluuteqarnerup malittarisartagaani assigiingitsunik saqqummiisimavoq. Ajoraluartumik taakkua ilaat kingunipiluusarput. **Tarnikkut takussaanngitsumik innarluuteqarnermik** (ass. ADHD-qarnermik attaveqarsinnaassutsikkulluunniit akornuteqarnermik) **misissuivigineqarneq** sivisoorujussuusinnaavoq. Tamatuma kinguneranik meeqqat inuusuttullu misissuivigineqarnissaminut utaqqisut pisariaqartumik ikiorneqaratillu tapersorneqarneq ajorput taakkua angajoqqaavisa, ilinniartisisuisa allallu nalusaramikku qanoq tapersersussanerlugit. Assersuutigalugu ADHD-ertoq aallussinissamik sapersartitsisinnaavoq qarasa takusaanik tusagaanillu suliarinnilluni ingerlarsortarmat. Qarasa ingerlarsuinnavittarpoq, taamaattumillu suliariniakkamik samminiakkamiluunniit aallussinissaq sapersartarpoq. Taamaattumik meeqqat ADHD-ertut atuarfimmil naalanngitsutut isigineqarsinnaapput meeqqatut allatulli uninngasinnaanatillu aallussisinnaannginnamik. Tassa meeqqat ilaat aqussinnaanngisaminut tunngatillugu naveerneqartarnerat kingunipiluvoq inersimasortaasa nalugamikku innarluuteqartut imaluunniit nalugamikku meeqqamik qanoq ikiuillutillu tapersersuissanerlutik.

## Naqinnernik ilisarsisinnaannginnertaaq innarluutaa-voq takussaangitsoq

Naqinnernik ilisarsisinnaanngikkaanni atuarneq sapersartarpoq, ataqatigiissumik oqaluttut oqaasiinik immikkoortitsinissaq sapersartarmat – taamattaarlun aamma nipit ataasiakkaat ataatsimoortillugit taagornissaat sapersartarmat. Naqinnernik ilisarsisinnaannginneq silassorissuserlu imminnut atassuteqanngillat. Taamaattumik naqinnernik ilisarsisinnaanngitsut allanit sianiinnerunngillat, atuarnermilli ilinniarnissamat ikiorneqarnerusariaqarput. Ilaattaaq qarasaasiamik tabletimilluunniit atuffassisorisassaminik iluaquteqarnissamik pisariaqartitsisarput. Tilioq meeqqanik, inuusuttunik inersimasunillu naqinnernik ilisarsisinnaanngitsunik arlalinnik oqaloqateqarsimavoq. Taakku oqaluttuarput ilinniarnissamat sianiippallaarnerarneqartarlutik poqiippallaarnerarneqartarlutillu. Taamatut misigisaqartarnerat inuuneranni ilinriagaqarnerannilu sivisuumik kingunipiloqarsinnaavoq.

Ilisimatuutut misissuinerit erserpoq kalaallit meerartaasa ilarpassui siutikkut maqisoorsimagamik **tusilartuusut**. Tusilarneq meeqqap ilikkarniarnermini aallussaqaarniarnerminilu akornutigisinnaavaa, angajoqqaat, perorsaasut ilinniartitsisullu oqaasii tusaasinnaannginnamigit.

Innarluutit assigiingitsorpassuupput. Innarluutit pillugit innarluuteqarnerullu qanoq paasisariaqarnera pillugu atuarnerusinnaavutit linkit matuma ataatingaaniittut iserfiginerisigut.

# Killiffik: Nukarliit akulliillu

## Suliassaq: Atuffassineq oqaloqatigiinnerlu

### Sammisaq: Illit uangalu assigiinngikkaluarluta assigiissuteqarpugut

#### Ilinniagassat

##### Nukarliit – inuttut ineriartorneq

Inuttut ineriartornermi – ilaqutariit: Atuortoq ilaqutariinnik kulturit assigiinngitsut akornanni kulturillu ataatsip iluani assigiinngitsorpasuarunik aqqissue-riaaseqarnera pillugu ilisimannippoq.

Suleqatigiinnermi attaveqatigiinnermilu: Atuortoq allat misigissusiinik iliuusiinillu paasinnissinnaavoq, aamma inuit pissutsinik paasinnittaasiisa assigiinngitsuuneranik paasinnissinnaavoq.

##### Akulliit – inuttut ineriartorneq

Tarnikkut timikkullu innarluuteqarnermi: Atuortoq tarnikkut timikkullu innarluutit pillugit nalinginnaasunik illoqarfimminnilu tarnikkut timikkulluunniit innarluutinnut qanoq pissusilersortoqartarnera pillugu ilisimsaqarpoq.

##### Naatsumik allaatiginnineq

Suliassami matumani atuagaq pineqartoq innarluutip suuneranik, innarluuteqarnerup qanoq paasisariaqarneranik, inunnik innarluutilinnik qanoq pinnittarnissamik ilaqutariillu ilaanni ataatsimik arlalinnilluunniit innarluuteqartoqartarneranik eqqartuinissamut aallaavittut atorneqassaaq. Nalunaquttap-akunnerani atuartitsiviusumi matumani atuagaq taanna atuffassitutigineqassaaq.

#### Klassit qaffasissusiat

1.- 5. klasse

#### Sivisussusissaq

Nal. ak. atuartitsiviusoq ataaseq 45min.

#### Atortorisassat

Atuagaq 'Rosap aqqalua innarluuteqarpoq' + apeqqutit oqaloqatigiissutissat.

#### Suliassaq

Atuagaq atuaqatigiinnut atuffassitutigineqassaaq. Apeqqutit siulliit atuakkamut tunngapput meeqqanillu oqaloqateqarnermut aallarniutaassallutik. Apeqqutit tullii innarluutit suunerat pillugu atuaqatigiit oqaloqatiginissaannut atorneqassapput. Takussaasunik takussaangitsunillu innarluuteqarnera eqqartorlugu. Ilaqutariit ilaanni anaana, ataata, qatanngut, anga atsaluunniit innarluuteqartoq. Inuillu innarluutillit nammineq pineqarusuttarnitsitut pisassagivut. Apeqqutit siunnersuutaapput. Apeqqutit atuartitannut tulluarnerusoritit toqqakkit. Atuffassisoqartillugu natemi akitserlusi illoqqasunngorsinnaavusi. Tamanna atuartut atuffassitutigineqartunik tusarnaarnissamut iluaqutigisinnavaat.



### Atuakkamut 'Rosap aqqalua innarluuteqarpoq'-mut tunngatillugu apeqqutit

- Rosap ilaqutai kikkuppat? Kina innarluuteqartuua?
- Qanoq ililluta paasivarpus Rosap aqqalua Ivik innarluuteqartoq? Innarluutaa takussaava?
- Ivik orlummat Rosa qanoq misigiva? Sooq kamalarpa? (qupp. 8)
- Ivik orlulluni illaatigineqarami qanoq misigisoraasiuk? Ilissi assingusumik misigisaqartuugussi qanoq misigissagaluarpisi? (qupp. 8)
- Ataasingornikkut Rosa atuariartoqqimmat immikkut sammisaqarput. Suna immikkut sammisassaaraat? (qupp. 10-11)
- Innarluutit suut atuakkami ilinniartitsisup meeqqallu oqaloqatigiissutigaa? (qupp. 10-15)

### Innarluuteqarneq pillugu apeqqutit pingaarnerit

- Innarluutilimmik ilisarisisasaqarpit? Sumik innarluuteqarpa?
- Innarluutilimmik naapitaqarlutilluunniit takusaqarnikuuit – aqqusinermi pisutsillutit imaluunniit kaffisortitsisuniikkavit? Inuk taanna takugakku qanoq pivit? Innarluutilimmik naapitaqaraanni qanoq pisusilersornissaq pitsaanerpaassava?
- Inuk innarluutilik ersigisariaqarpa?
- Innarluuteqaraanni qanoq isikkoqartoqarsinnaava? Innarluutigineqartut tamarmik takuneqarsinnaappat?
- Sooq inuit ilaat innarluuteqalertarpat?
- Innarluuteqaraanni qanoq ikiortariaasoqartarpa? Ilaatigut makkununga tunngatillugu: misigissutsinik naleqqussaannermut, timimut eqqiluisaarnermullu, ikorfartorteqarnissamut, aalajangiinissamut, inunut allanut attaveqarnissamut, pisariaqartitanik misigissutsinillu oqaasertalinissamut, takorluukkanik piviusunngortitsinissamut, innarligassaanginnermik sanngiiffinnillu illersuinissamut il.il.
- Oqalussinnaanngitsunik qanoq oqaloqateqartoqartarpa? Ussersornikkut, malugiinnarluni paasisaarnikkut, takussutissaqqatigut, timikkut takutitsinikut il.il.
- Tappiitsoq qanoq 'takusaqarsinnaava'?
- Tusilartoq qanoq 'tusaasinnaava'?
- Innarluuteqarneq qanoq misiginartarpa? Illit qanoq misigivit?
- Innarluutilimmik ikinnguteqartoqarsinnaava? Ikinngutaalluortoq qanoq ittua?
- Innarluutillip isikkua quianartorujussuppat illaruaatigissallugu ajunngila? Illit illaatigineqarnissat nuannarisarpiuk?
- Innarluuteqarneq peqqusiileqinarluniluunniit kanngunarpa?
- Innarluuteqaraanni ikiuutit suut atorneqartariaqarsinnaappat?
- Innarluuteqarluni suut nuannisaarnartarpat?
- Inuk sorleq pingaaruteqarnerua: inuk innarluuteqanngitsoq imaluunniit inuk innarluutilik?

# Killiffik: Nukarliit

## Suliassaq: Nipituumik atuarneq titartaanerlu

### Emne: Vi skal behandle hinanden godt (konfliktløsning)

#### Ilinniagassaq – inuttut ineriartorneq

I Personlig udvikling, samarbejde og kommunikation: Eleven kan forholde sig til andres følelser og handlinger og vise forståelse for, at mennesker oplever situationer forskelligt.

#### Naatsumik allaatiginera

Suliassami matumani pissusilersornitsigut immitsinnut qanoq sunnertarnitsinnik eqqartuinissamut atuagaq aallaaviussaaq. Ilinniagassami matumani atuagaq atuffassissutigineqassaaq atuartullu atuakkami oqaluttuaq aallaavigalugu pisunik aliatsaffiunngitsunik titartaas-sapput.

#### Klassetrin

2.-3. klasse

#### Sivissusissaq

Nal. ak. atuartitsiviusoq ataaseq minutsinik 45-nik sivissusilik.

#### Atortorisassat

Atuagaq 'Rosap aqqalua innarluuteqarpoq', pappiaqqat titartaaffissat aqerluusallu titartaassutissat (atuartut namminneq aqerluusaasiviminniituuteqanngippata).

#### Suliassaq

Suliassami matumani atuagaq aallaavigalugu pissusilersornitsigut immitsinnut qanoq sunnertarnersugut oqaloqatigiissutigineqassaaq. Ilinniagassami matumani atuagaq atuffassissutigineqassaaq atuartullu titarta-gassaqassallutik. Atuffassisoqartillugu natermi akitser-lusi illoqqasunngorsinnaavusi. Tamanna atuartut atuffassissutigineqartunik tusarnaarnissamut iluaqutigisin-naavaat.

#### Atuffassineq:

Siullermik atuagaq atuaqatigiinnut atuffassissutigine-qassaaq. Piffissaqarpallaanngikkaanni atuakkami qup-pernerit 1-imiit 9-mut killiinnarluni atuarneqarsinnaap-put. Quppernerup 9-p naanerani Ivik orluvoq, Rosallu atuaqataasa Aviajap Nuunullu illaatigaat.

Atuakkami Rosa kamalerpoq aliatsallunilu atuaqatimi aqqalussani Ivik apummi orlusooq illaatigimmassuk. Aamma Ivik illaatigineqarami aliatsappoq.

Ivik orlummat susoqarnersoq atuartullu oqaloqatigiis-sutigisiuk. Rosa qanoq misigisoraat, qanorlu eqqarsar-soraat? Ivik qanoq misigisoraat, aamma qanoq eqqar-sarsoraat? Aamma sooq Aviajap Nuunullu Ivik illaati-gaat? Atuartut ilaat tamatumunnga assingusumik misi-gisaqarsimappat – taamatullu pisoqarmat qanoq eq-qarsarlutillu misigippat?

Oqaloqatigiinnersi naggaserlugu aperigit allat orlugaa-ngata allaanerugaangataluunniit illaatiginissaat ajun-ginnersoq.

#### Titartaaneq

Atuartut marlukkuutaartikkitt. Titartagaq quppernemi 8-miittoq 9-miittorlu atuartunut takutiguk. Maanna atuartut takorluussavaat Ivik orloreemat aliatsatto-qanngitsoq. Rosa, Ivik, Aviaja Nuunulu atuakkami pisu-nit allaanerusumik qanoq **eqqarsarlutillu misigalutil-lu iliussappat?** Atuartut marlukkuutaarlutik pisunik ta-marmik nuannaarfiannik aliatsaffiginngisaannillu tita-rtassapput.

Naggasiutigalugu atuartut titartakkaminnik atuaqati-minnut takutisisikkitt nassuiaasikkillu Ivik orloreemat tamarmik nuannaarniassammata qanoq iliortitsisima-nerminnik.



# Killiffik: Akulliit

## Suliassaq: Atuffassineq isumasioqatigiinnerlu

### Sammisaq: Innarluuteqarneq qanoq paasisariaqarpa?

#### Ilinniagassaq – inuttut ineriartorneq

Tarnikkut timikkullu innarluuteqarnermi: Atuartoq tarnikkut timikkullu innarluutit pillugit nalinginnaasunik illoqarfimminnilu tarnikkut timikkulluunniit innarluutilinnut qanoq pissusilersortoqartarnera pillugu ilisimasaqarpoq.

Suleqatigiinnermi attaveqatigiinnermilu: Atuartoq allat ajornartorsiutigiligaannik namminerlu ajornartorsiutigilikkaminnik aqqeeraatsinik atuisarpoq, ilaatigut tunuarsimaanginnermigut.

#### Naatumik allaatiginera

Suliassami matumani atuagaq pineqartoq innarluutit suunerannik, innarluuteqarnerup qanoq paasisariaqarneranik inunnillu innarluutilinnik qanoq pinnittarnisamik eqqartuinissamut aallaavittut atorneqassaaq. Nalunaquttap-akunnerani atuartitsiviusumi matumani atuagaq taanna atuffassissutigineqassaaq atuartullu isumasioqatigiinnermik suliaqartinneqassapput namminneq misigisaminnik eqqartuisinniarlugit.

#### Klassip qaffasissusia

4.-5. klasse

#### Sivissusissaaq

Nal. ak. atuartitsiviusoq ataaseq minutsinik 45-nik sivissusisilik

#### Atortorisassat

Atuagaq 'Rosap aqqalua innarluuteqarpoq'. Isumasioqatigiinnermi pappiaqqat tallimat atorneqassapput: ataaseq aappimik allannertalik, ataaseq naaggamik, pingasullu tamarmik immikkut a-mik, b-mik c-millu allannertallit.

#### Suliassaq

Suliassami matumani atuagaq aallaavigalugu innarluutit suunerannik, innarluuteqarnerup qanoq paasisariaqarneranik, ass. takussaasunik takussaangitsunillu innarluuteqarneranik, oqaloqatigiissutiginnittoqassaaq.

#### Atuffassineq

Siullermik atuagaq atuaqatigiinnut atuffassissutigineqassaaq. Piffissaqarpallaanngikkaanni quppernerit 10-miit 15-imut atuffassissutigineqaannarsinnaapput. Quppernemi taakkunani ilinniartitsisup atuartullu innarluuteqarnerup qanoq paasisariaqarnera oqaloqatigiissutigaat.

Atuakkami atuaqatigiit assigiinngitsunik innarluuteqararnera oqaloqatigiissutigaat. Atuartut oqaloqatigikit innarluutit suunerat innarluuteqarnerullu qanoq paasisariaqarnera pillugit. Ilisimasassani innarluuteqarnerup isumasiornera takusinnaavat.

Atuartut ima aperikkat: Innarluutit atuakkami eqqaaneqartut suuppat? Innarluutigineqartut assigiinngitsut allattarfissuarmut allattukkit. Takussaasunik takussaangitsunillu innarluuteqartoqartarnera sammiuk.



## Isumasioqatigiinneq

Isumasioqatigeeriaasissat marluupput. Siulleq takorluuineq atorlugu, aappaallu apeqqutit aappimik naag-gamillu akisassat atorlugit. Isumasioqatigiinnernut siu-nertaavoq innarluuteqarnerup kanngunanninneranik eqqumiinnginneranillu eqqartuinissaq. Innarluuteqaraanni imaaginnarpoq ilaannikkut ikiorneqarnerulaar-nissamik pisariaqartitsisoqartartoq. Tamattalu sapin-gikkaangatta ikioqatigiittartussaavugut.

### Takorluukkat:

Isumasioqatigiinnerit immikkoortuisa siullianni takorluugassanik atuaasoqassaaq. Matumani atuartut pisu-mi aalajangersimasumi illit atuffassissutigisanni qanoq iliussanerlutik aalajangissapput. Takorluukkanut/pisu-nut tamanut 2-3-nik iliuusissaqarpoq. Atuartut iliuusis-satut pitsaaneruserisaminnik toqqaassapput.

Inimi atuartitsivimmi sumiiffinni pingasuni pappiaqqa-nik a-mik, b-mik c-millu allannertalinnik ilisoqassaaq.

Atuartut qinnuigikkitt nikueqqullugit. Takorluugaq kingornalu iliuusissat nipituumik atuakkit. Atuartut qinnuigikkitt pappiaqqap a-mik, b-mik c-milluunniit allannertallip – takorluukkami illit atuakkanni peqataa-suugunik iliuusissamittut toqqaakkamik – nalaanut peqqullugit. Atuartoq iliuusissamik a-mik toqqaaguni pappiaqqap a-p nalaanut pissaaq, il.il.

Atuartut nikorfatillugit aperikkitt: Sooq nikorfaffissi nalaani nikorfaniarlusi aalajangerpisi? Ajornannginne-rummat? Iliuusissat eqqornerpaartarimmassuk? Takor-luukkami inuttut pingaarnersaasuugunik ikinngutimik qanoq iliornissaat kissaatigisimassagaluarpaat?

Apeqqutinut tamanut saniatigut paasissutissaqarpoq takorluukkap innarluuteqarnermut qanoq attuumas-suteqarneranut nassuaataasinnaasunik.

**Takorluugaq 1:** Ikinngutit Angut pillugu kaffisoriartoq-quisoqarmat pulaarputit. Angut inuuisiornermini alla-garsisimavoq, naqinnernilli ilisarsisinnaannginnami allagarsiani nammineq atuarsinnaanngilaa. Takusin-naavat Angut aliatsalersoq kikkut tamarmik isigim-manni. Illit qanoq iliussavit?

- a) Angut ikiorlugu allagarsiaa nipituumik atuassavara.
- b) Angut illaatigilaarpara, aamma allat illakusupput.
- c) Anartarfiliassaanga Angutip allagarsiaminik nam-mineq atuaasinnaannginnera kanngunarmat.

**Bonusinfo:** Inuup naqinnernik ilisarsisinnaannginnera innarluutaavoq atuarnissamik ajornakusuulersitsisartoq. Imaanngilarli inuk sianiitsuusoq aallussiuminaatsit-sisartorluunniit. Naqinnernik ilisarsisinnaanngikkaanni atuffarissisoqarsinnaavoq naleqquttumik ikiorneqarlu-nilu tapersersorneqaraanni.

**Takorluugaq 2:** Inuup naqinnernik ilisarsisinnaanngin-nera innarluutaavoq atuarnissamik ajornakusuulersit-sisartoq. Imaanngilarli inuk sianiitsuusoq aallussiumi-naatsitsisartorluunniit. Naqinnernik ilisarsisinnaanngik-kaanni atuffarissisoqarsinnaavoq naleqquttumik ikior-neqarlunilu tapersersorneqaraanni.

- a) Alarlugu pisiniarfimmitt isissaanga
- b) Aperissavara arlaatigut ikiorsinnaanerlugu

**Bonusinfo:** Pisiniarfitt illullu ilarpasui inunnit kaas-suartakkanik atuisunit iserfigineqarsinnaanngillat. Taamaattumik inuit issiavinnik kaassuartaakkanik atui-sut ikinngutimik ilaquttamilluunniit ilaannut pulaarsin-naaneq ajorput, pulaarniagaat iserfigisinnaanngisaanni najugaqaraangata. Taamaattumittaaq namminneq pisiniarsinnaajuaannanngillat pisiniarfinnut isersin-naaneq ajoramik.



**Takorluugaq 3:** Illit kammalaatitillu tamassi arsaap-pusi. Ikinngutit Paninnguaq sakallugu orlutittoorpat. Paninnguaq kamaammerujussuariaaarpoq orlutitillu-tillu ajallutit kusananngitsunillu taagorlutit. Qanoq ilius-savit:

- a) Nikuillunga akillugu ajassavara  
– ajattarneqarusunngilanga!
- b) Nikuillunga allamukassaanga Paninnguarlu  
OQALUUTEQQINNAGU. Taama ittumik ikinngu-teqarnianngilanga!
- c) Nikuillunga oqarfigissavara orlugama annerlunga  
arsarneralu nangeqqillugu. Arsareerutta Panin-  
nguaq aperiartussavara sooq taama kamatsigi-  
nersoq.

**Bonusinfo:** Innarluutit ilaat, ilaatigut ADHD, takussaangillat. ADHD qaratsamut sunniuteqartarpoq, tamatumingalu innarluuteqaraanni kamaleriasaartoqarsinnaavoq pisunilluunniit oqimaaginnilluniluunniit aqut-siuminaatsitsisoqarsinnaalluni.

### Apeqqutit aappimik naaggamillu akisassat

Isumasioqatigiinnerup immikkoortuisa aappaanni aappimik naaggamilluunniit akisassanik apeqquteqartoqassaaq. Apeqqutit taakku atuartunut taakkualu ulluinarni inuunerannut misigisartagaannullu tunnganerupput.

Atuartut nikorfaannassapput. Pappiaqqamik aappimik allannertalimmik inip illuatungaanut ilisigut illuatungaanilu pappiaqqamik naaggamik allannertalimik ilisillutit.

Atuartut illit apeqqutinnut akuersinertik naaggaarner-tilluunniit apeqqutaatillugu inimi akileriillutik inissis-sapput.

### Apeqqut 1

– Innarluutilimmik nalunngisaqarpi?

Apeqqut 1 apeqqutigereerukku aperigut atuartut ilaasa oqaluttuareerusunneerat kina innarluutilik nalunngisari-nerlugu sumillu innarluuteqarnersoq.

### Apeqqut 2

– Innarluutilimmik ilaqutaqarpi?

Apeqqut 2 apeqqutigereerukku aperigut atuartut ilaasa oqaluttuareerusunneerat kina innarluutilik ilaqutariner-lugu sumillu innarluuteqarnersoq.

### Apeqqut 3

– Innarluutilimmik naapitaqarnikuuit nalullugulu qanoq oqassanerlutit imaluunniit qanoq iliussanerlutit? *Itisili-sinnaavutit imaassinnaasoq atuartup inuk aqqusinikkut pisutsilluni kaffisortitsisuniinnerminiluunniit takusima-gaa. Nalornisimappat sumut isigissanerlutik imaluunniit taanna qanoq oqaluutissanerlugu?*

Atuartut pappiaqqanut aappimik naaggamillu allanner-tallit nalaannut inissereerpata, taakkua ilaat misigisa-minnik oqaluttuarkit. Ima aperisinnaavutit: Misigisaat sumi piva? Qanoq misigippat? Suna sapernarpa? Aam-ma aperikkut kaffisoriarnerminni namminneq qanoq pineqarusunnersut. Inuit innarluutillit allatut misigissa-soraat?

Naggasiutigalugu tamatta misigissuseqarnerput ajun-gitsumillu pineqarusuttarnerput pillugit atuartut oqa-loqatigikkut. Soorlu atuakkami taamaaliortut. Taamaat-tumik innarluutillit namminneq aqqusinikkut pisutsillu-tik kaffisoriarfimminiluunniit pineqarusuttarnermis-sulli pisassavaat.



# Killiffik: Akulliit

## Suliassaq: Atuffassineq pisuusaartitsinerlu

### Sammisaq: Immitsinnut ajunngitsumik pisassaagut (ajornartorsiummik aaqqiiniarneq)

#### Ilinniagassaq – inuttut ineriartorneq, suleqatigiinneq attaveqatigiinnerlu

Suleqatigiinnermi attaveqatigiinnermilu 4) allat ajornartorsiutigiligaannik namminerlu ajornartorsiutigilikkanik aaqqeeraatsinik atuineq, ilaatigut tunuarsimaannginikkut. 5) suleqatigiinni ikinnerni amerlanernilu suleqataasinnaaneq namminerlu isummersinnaaneq pingaartitaqarsinnaanerlu, allattaarlu isumaannik pingaarti-taannillu akuerinnissinnaaneq.

#### Naatsumik allaatiginera

Suliassami matumani atuagaq aallaavigalugu pissusilersornitsigut immitsinnut qanoq sunnertarnersugut oqaloqatigiissutigineqassaaq. Ilinniagassami matumani atuagaq atuffassissutigineqassaaq atuartullu pisuusaartitsinikkut lviup, Rosap, Aviajap Nuunullu ajornartorsiutaannik aaqqiiniartinneqassallutik.

#### Klassip qaffasissusia

4.-5. klasse

#### Sivisussusissaq

Nal. ak. atuartitsiviusut marluk minutsinik 45-nik sivisussusillit.

#### Atortorisassat

Atuagaq 'Rosap aqqalua innarluuteqarpoq'

#### Suliassaq

##### Atuffassineq

Siullermik atuagaq atuaqatigiinnut atuffassissutigineqassaaq. Piffissaqarpallaanngikkaanni atuakkami quppernerit 1-imiit 9-mut killiinnarluni atuarneqarsinnaapput. Quppernerup 9-p naanerani lviik orluvoq, Rosallu atuaqataasa Aviajap Nuunullu illaatigaat.

Atuakkami Rosa kamalerpoq aliatsallunilu atuaqatimi aqqalussani lviik apummi orlusooq illaatigimassuk. Aamma lviik illaatigineqarami aliatsappoq.

##### Pisuusaartitsineq

Kikkut tamarmik affarmik iloqqasunngorlutik nikorfalutilluunniit issianissamat inissaqarnissaat isumagiuk iloqqasup qeqqani issiasoqarsinnaaniassamat.

Atuartut sisamat ukununga inuttaanissamat toqqarneqassapput: lviik, Rosa, Aviaja aamma Nuunu. Maanna atuartut sisamat atuakkami lviup Rosallu aggermata lviup orlunera pisuusaartissavaat. Iloqqasup qeqqani pisuusaartitsissapput. Atuartut atuaqatimik saavanni pisuusaartitsereerunik iloqqasup qeqqaniiginnassapput. Issiavimmu natermulluunniit ingissinnaapput.

Maanna atuartut oqaloqatigikkut lviik orlummat qanoq pisoqarnera pillugu. Rosa qanoq misigisoraat? Qanoq eqqarsarsoraat? lviik qanoq misigisoraat? Qanoq eqqarsarsoraat? Sooq Aviajap Nuunullu lviik illaatigaat? Pisuusaartitsisunik isiginnaartut apersorneqaaqassapput. Kingorna pisuusaartitsisut sisamat apersorneqassapput. Oqaasissaqarpat? Taakkuusuusaaramik qanoq misigippat?

Atuartut ilaat tamatumunnga eqqaanartumik misigisarsimappat – taamatullu pisoqarmat qanoq eqqarsarlutillu misigippat?

Aperikkut orlusunik allaanerusunilluunniit illaatiginninneq ajunnginnersoq.

Maanna ajornartorsiut pisuusaartitsinikkut aaqqiiniarneqassaaq. Atuartut takorluueqqukkit lviik orlummat aliatsattoqanngitsoq. Rosa, lviik, Aviaja Nuunulu atuakkami pisunit allaanerusumik qanoq **eqqarsarlutillu misigalutillu iliussappat?** Tamarmik nuannaarfigisaannik aliatsaffiginngisaannillu qanoq pisoqarsinnaava?

Aperigit Rosap, Iviup, Aviajap Nuunullu allatut iliorsinnaasimanagerat pillugu isumassarsiassaartoqarnersoq. Atuartut arlaat isumassarsiassaarpat, isumassarsiallip atuartut sulii iloqqasup qeqqaniittut arlaat paarlassavaa. Isumassarsialik pisunik allannguiumalluni sorleq paarlassanerlugu nammineq aalajangissaaq. Taava pisuusaartitseqqissapput iliuusissallu allat atussallugit. Atuartut Rosatut, Ivittut, Aviajatut Nuunutullu isiginnaartitsisut aperikkitt maanna qanoq misigalutillu eqqarsarnersut.

Allanik pitsaasunik isumassarsiassaartoqarpat qulaanisut ilioqqittoqassaaq. Isumassarsiat tullerriaarsigit. Isumassarsiassaaruttoqarpat uniinnassaasi.

Atuartitsinerit naggaserlugu oqaluuseriuk tamatta nammineq pineqarusunnitsitulli immitsinnut pisassasugut. Aamma qianartumik pisoriaaseqartoqaraluarpat allaanerulaartoqaraluarpalluunniit.

